



D^a. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 24 de outubro de 2019**, adoptou o seguinte acordo:

15.- PRÓRROGA DO CONVENIO DE COLABORACIÓN ENTRE O CONCELLO DE VIGO E A MANCOMUNIDADE DE MONTES DE VIGO PARA O DESENVOLVEMENTO DE ACTIVIDADES EN MATERIA MEDIOAMBIENTAL". EXPTE. 11894/306.

Dáse conta do informe-proposta de data 18/10/19, asinado polo xefe do Servizo de Medio Ambiente e pola concelleira-delegada de Área, que di o seguinte:

Antecedentes

A Xunta de Goberno Local en sesión do día 3 de xuño de 2016, aprobou o proxecto de convenio de colaboración entre o Concello de Vigo e a entidade Mancomunidade de Montes de Vigo que establece un marco de colaboración mutua no desenvolvemento de actividades ou accións en materia medioambiental segundo expediente número 11894/306.

O convenio foi asinado por ámbalas dúas partes en data do 27 de outubro de 2016, día a partir do cal comezou a súa vixencia. Tíña unha duración de dous anos e con posibilidade de prórroga ana a ano por dous anos máis.

A Xunta de Goberno Local en sesión do 11/10/2018, acordou a prórroga por un ano do convenio, ata o 27 de outubro de 2019.

D. Uxío González Pérez como presidente da Mancomunidade de Montes de Vigo presentou escrito no Rexistro Electrónico do Concello de Vigo en data do 17/10/2019 (doc. 190162429), solicitando a segunda prórroga do citado convenio.

Fundamentos de dereito

Primeiro.- O convenio de colaboración suscrito entre o Concello de Vigo e a Mancomunidade de Montes de Vigo, encádrase dentro das competencias propias da Administración municipal ao abeiro do establecido no artigo 25.2., apartados a), b), l) da vixente Lei 7/1985, de 2 de abril, reguladora das bases de réxime local e de conformidade coa lexislación do estado e da comunidade autónoma de Galicia, que atribúe competencias na protección do medio ambiente urbano, protección do solo, salubridade, ocupación do tempo de lecer.

A Mancomunidade de Montes de Vigo é unha entidade sen ánimo de lucro que agrupa a tódalas Comunidades de Montes da cidade de Vigo, ás que representa na defensa dos intereses que lles son comúns, cuxo obxectivo fundacional é a defensa e mellora dos montes das entidades de Vigo, nos seus aspectos económicos, sociais, ecolóxicos, culturais e de relación.



Copia do documento - Concello de Vigo	Data impresión: 14/04/2020 01:08	Páxina 1 de 4
Expediente 11894/306	CSV: 2EE3E3-46A358-52DB27-GN3ABK-1H5CR9-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

O entorno urbano e periurbano do Concello de Vigo está rodeado de montes de singular importancia tanto para súa flora, fauna silvestre, como polas súa paisaxe, de titularidade, na súa meirande parte, de Comunidades de Montes Veciñais en Man Común.

Estes espazos considéranse de interese para a levar a cabo programas e actividades de sensibilización ambiental, de educación ambiental, de ocupación do tempo de lecer en actividades vinculadas ao medio ambiente, na promoción de boas prácticas cidadás relativas á xestión sustentable dos solos, dos recursos existentes no medio, tanto urbano como rústico ou natural, dos residuos, da reciclaxe e outros que contribúen á utilización responsable dos recursos dispoñibles.

Neste sentido o obxectivo do convenio era establecer un marco de colaboración entre a Administración municipal e a entidade Mancomunidade de Montes de Vigo, en actividades cuxa finalidade é a protección do medio ambiente, salubridade pública e ocupación do tempo de lecer en actividades medioambientais, quedando as concretas accións ou actividades que se desenvolvan suxeitas á aprobación dos programas ou actividades na forma legalmente previstas e de conformidade coas dispoñibilidades orzamentarias existentes.

Nos últimos tres anos e en desenvolvemento do citado convenio, leváronse a cabo diversas actividades medioambientais co colaboración de ambas partes:

- Desenvolver programas e campañas de información, sensibilización e concienciación social en relación coa protección do medio ambiente, con diversas andainas polos montes de Vigo.
- Velar pola limpeza e mantemento dos carreiros ou roteiros que transcorren polo termo municipal e valorar a conveniencia e oportunidade de crear novos carreiros.
- Velar polo mantemento e conservación dos recursos naturais existentes en todo o termo municipal.
- Protección de animais no termo municipal.
- Limpeza e salubridade de fincas, co obxecto de evitar incendios e cuestións de insalubridade pública en relación cos vertidos, residuos, pragas...

Considerase de interese continuar co desenvolvemento destas accións que redundan en beneficio do interese público xeral.

Segundo.- A cláusula terceira do citado convenio establece:

“A vixente e duración do presente convenio será de dous anos a partir da súa sinatura e poderá prorrogarse ano a ano por dous anos máis, por mutuo acordo expreso das partes que deberá adoptar cada ano e antes da finalización do convenio.”

Por tanto, o convenio asinouse o 27 de outubro de 2016, polo que tiña unha vixencia ata o 27 de outubro de 2018. A Xunta de Goberno Local en sesión do 11/10/2018, acordou a primeira prórroga do convenio ata o 27 de outubro de 2019. Agora, pode acordarse unha segunda e derradeira prórroga dun ano ata o 27 de outubro de 2020, acordo que deberá adoptarse antes da súa finalización.

A Mancomunidade de Montes de Vigo presentou escrito aceptando a segunda prórroga do contrato, as cales deberán efectuarse ano a ano, habida conta do establecido expresamente na cláusula terceira do citado convenio.



Copia do documento - Concello de Vigo

Data impresión: 14/04/2020 01:08

Páxina 2 de 4

Expediente 11894/306

CSV: 2EE3E3-46A358-52DB27-GN3ABK-1H5CR9-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Por outra banda, o réxime xurídico aplicable ó convenio que os ocupa ao tempo da súa subscripción, constituído polos artigos 88.1. da Lei 30/1992, de 26 de novembro, de réxime xurídico das administracións públicas e do procedemento administrativo común, 5 e 25 da Lei 7/1985, de 2 de abril, reguladora das bases de réxime local (LRBRL), en relación cos artigos 111 do Rdl 781/1986, de 2 de abril, 4.2. e 25 do Real decreto legislativo 3/2011, de 14 de novembro, polo que se aproba o texto refundido da Lei de contratos do sector público (TRLCSP), non impide a prórroga do convenio.

Tamén, a vixente normativa reguladora dos convenios de colaboración -caso que nos ocupa- contempla a posibilidade de prórroga deste convenio, artigos 47.2.c), 49.h) da Lei 40/2015, de 1 de outubro, de réxime xurídico do sector público, en relación cos artigos 6.2. e 34 da LCSP,

A prórroga do convenio non implica gasto ningún para o Concello de Vigo.

Polo exposto, non se observa impedimento legal na prórroga do citado convenio de colaboración que deberá adoptarse antes da súa finalización, o vindeiro 27 de outubro de 2019.

É competente para a aprobación da prórroga do convenio a Xunta de Goberno Local habida conta das competencias que ten atribuídas ao abeiro do establecido no artigo 127.1. da LRBRL en relación co artigos 4 e 6.2. e Disposición adicional segunda da LCSP.

Polo exposto, propónse á Xunta de Goberno Local a adopción do seguinte

ACORDO

Primeiro.- Aprobar a segunda e derradeira prórroga por un ano, ata o 27 de outubro de 2020, do convenio de colaboración entre o Concello de Vigo e a entidade Mancomunidade de Montes de Vigo que establece un marco de colaboración mutua no desenvolvemento de actividades ou accións en materia medioambiental aprobado pola Xunta de Goberno Local en data do 3 de xuño de 2016, asinado polas partes o 27 de outubro de 2016, en virtude dos fundamentos de feito e dereito invocados na parte expositiva deste acordo (expte. 11894/306).

Segundo.- Notificar este acordo a Mancamunidade de Montes de Vigo, informándolle que consonte os artigos 123 e 124 da Lei 39/2015, de 1 de outubro, do procedemento administrativo común das administracións públicas e os artigos 8, 46.1 e 46.4 da Lei 29/1998, de 13 de xullo, da Xurisdición contencioso-administrativa, poderá interpoñer RECURSO POTESTATIVO DE REPOSICIÓN ante o mesmo órgano que a ditou no prazo dun mes ou ben directamente RECURSO CONTENCIOSO-ADMINISTRATIVO ante o Xulgado do Contencioso Administrativo de Vigo no prazo de dous meses, ámbolos dous prazos contados desde o día seguinte a aquel en que se notifique a resolución expresa. Porén, interposto o recurso de reposición non poderá interpoñer recurso contencioso-administrativo ata que sexa resolto expresamente o primeiro ou se produza a súa desestimación presunta polo transcurso do prazo máximo dun mes establecido para ditar e notificar resolución.

Acordo

A Xunta de Goberno local aproba a proposta contida no precedente informe.



Copia do documento - Concello de Vigo

Data impresión: 14/04/2020 01:08

Páxina 3 de 4

Expediente 11894/306

CSV: 2EE3E3-46A358-52DB27-GN3ABK-1H5CR9-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me

V. e Pr.

O ALCALDE,
Abel Caballero Álvarez.



Copia do documento - Concello de Vigo

Data impresión: 14/04/2020 01:08

Páxina 4 de 4

Expediente 11894/306

CSV: 2EE3E3-46A358-52DB27-GN3ABK-1H5CR9-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>